

Асалари - Аллоҳ таолонинг мўъжизасидир!



17:00 / 21.11.2020 4382

Қуръони Карим бошидан охиригача мўъжизаларга тўладир. Ҳар бир оятда мўъжиза бор. Ҳар бир калимасида мўъжиза бор. Ана шундай оятлардан бири:

آمِم وَرَحْشَلَا نَم وَأَتْوُيْبِ لَابِجَلَا نَم يَذْحَتِ إِنْ أَلْحَنْلَا إَلِإِكْبَرِ يَحْوَأْ وَأَنْمُجْرَحْيِ إِلْلُدِكْبَرِ لُبْسِ يَكْلُسْ أَفِتَأَرَمْثِلِإِلْكَ نَم يِلْكِ مُثَنْ وُشْرَعْيِ
هَيَآلَكَلَدِ يِفِّنِ إِسْأَانِلِلِ ءافِشِ هِيَفُونِأَولَأَ فَلَتْحَمُ بَأَرَشِ آونُوُطَبِ
هَنْوُرَكَفَتَيِ مْوَقَلِ

«Роббинг асаларига ваҳий юборди: «Тоғлардан, дараҳтлардан ва кўтарилигидан ишкомлардан уй тутгин. Сўнгра ҳамма мевалардан егин. Бас, Роббингнинг осон қилиб қўйган йўлларидан юргин».

Коринларидан турли рангдаги ичимлик чиқар. Унда одамлар учун шифо бордир. Албатта, бунда тафаккур қилувчилар учун оят (белги) бордир». (Наҳл сураси, 68-69 ояллар)

Ушбу оятдаги ҳар бир калимада мүъжиза бор. Мисол учун «**Ваҳий юборди**» калимасини олайлик. Буни қарангки, асалари асал тайёрлашни, нектар йиғишни бирорта маҳлуқдан ўрганмас экан. Балки Аллоҳ таоло унга асални қандай тайёрлаш илмини, қобилиятини ато қилган. Роббимиз унга асал ишлаб чиқариш бўйича маҳсус дастурни жойлаб қўйган бўлиб, асалари ана шу дастур бўйича ҳаракатланиб, миллионлаб йиллардан бери асал ишлаб чиқаради.

«Тоғлардан, дараҳтлардан ва күтарилигандардан уй тутгин».

Ушбу гапга ҳам эътибор берайлик! Буни қарангки, асалари тоғларга ин қуриб, асал тайёрлайди, дараҳтларга ин қуриб, асал етиштиради ва одамлар қўядиган ишкомларга ин қуриб, асал тайёрлайди. У ўзи қурган мазкур инларда яшайди. Нектар излаб узоқ масофаларга учиб кетса ҳам, йўлидан адашмай инига қайтиб келади. Хўш, ким уни тўғри йўлга йўллаб, ўз уйини топиб келадиган қилиб қўйди? Аллоҳ таоло эмасми?!


Илмий томондан ҳам исботландиди, тиббий томондан энг фойдали асал тоғ асали экан, ундан кейин дараҳтдан олинадиган асал ва сўнггида одамлар томонидан қуриладиган ишкомлардан олинадиган асал экан. Ушбу тартиб оятдаги тартибга ҳамоҳангдир.

1. Тоғлардан.
2. Дараҳтлардан.
3. Кўтарилигандардан уй тутгин.

Аллоҳ таоло асаларига йўлларни бўйсундириб қўйди. У ўша йўллардан юриб, минглаб километрларга учиб бориб, нектар йиғади. Роббимиз юқоридаги оятда **«Бас, Роббингнинг осон қилиб қўйган йўлларидан юргин»** деб марҳамат қилган. Асалари учун йўлларни бўйсундирган, унга ўша йўллардан юришни ўргатган, бир кунда минглаб километр масофа босадиган қилиб қўйган, унга йигирма биринчи аср технологияси ҳам ожиз қоладиган, ўхшолмайдиган мияни, юракни, тезкорликни берган Аллоҳ субҳанаҳу ва таоло покдир!

Асалнинг кўплаб касалликларга шифо экани барчамизга маълум. Роббимиз юқоридаги оятда **«Қоринларидан турли рангдаги ичимлик чиқар. Унда одамлар учун шифо бордир»** деб марҳамат қилган.

Асал асаларининг қоринларида етилади. Бу ҳақиқат бугунги кунга келиб кашф этилди, Қуръони Карим нозил бўлган пайтларда бу одамларга маълум эмасди.



Ушбу расмдаги уйларга қаранг. Маълумки, олти бурчакли шакл мустаҳкам шакл ҳисобланади. Хўш, асалариға шундай шаклга эга инлар ясашни ким таълим берган? Аллоҳ таоломи ёки кўр табиатми?!

Илмий томондан исботландики, асалнинг турлари, ишлатиладиган вазифалари кўп бўлса-да, Аллоҳ таолонинг қудрати билан барчасида шифо бор. Бугун асал билан даволайдиган, юзлаб касалликларни даволашда асалдан фойдаланиладиган маҳсус шифохоналар бор.

Мана шу ҳақиқатларнинг ҳаммаси бизни Аллоҳ таолонинг митти маҳлуқи бўлган асалари ҳақида ўйлашга, тафаккур қилишга ва шу орқали Роббимизнинг қудратига, азаматига тасаннолар айтишимизга ундаши керак эмасми?! Зоро, Аллоҳ таоло юқоридаги оятнинг сўнггида **«Албатта, бунда тафаккур қилувчилар учун оят (белги) бордир»** деб марҳамат қилган.

Асаларининг ҳаёт тарзи, нектар йиғиши, узоқ масофа босиши, миясининг тезкорлиги, кўриш қобилияти, уя солиши, асални етиштириши кабилар ҳақида тафаккур қилган одам бунда Аллоҳ таолонинг борлигига, бирлигига, барча нарсага қодирлигига, биз бандалариға меҳрибонлигига далилларни топади.

Абдуддоим Каҳел мақоласи асосида

Нозимжон Ҳошимжон тайёрлади